

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

3. Cæcus?

[urn:nbn:de:hbz:466:1-68709](#)

Sol calet igne meo ; flagrat Neptunus in undis ;
Pensa dedi Alcidæ ; feci servire Tonantem,
Quamvis liber erat ; Martem sine Marte subegi.

Hinc pingitur currui insidens, à leonibus tracto , quos scuticā &
habenis regit. Idem fulmen frangit, ad ejus potentiam ostenderandam.
Elegans etiam est recentioris Poëtæ epigramma , cui inscriptio:

Hercules :

Ioles amore captus est,
Omphalæ amore victus est,
Ille , ille victor omnium
Fortissimus Tyrinthius.
Risit puerus teliger ,
Et arcui inscripsit suo :
Amor Hercules est Herculis.

Conqueritur de Numinis hujus tyrannide ille miser apud Plautum
in Mercat. scen. 2.

Sümne ego homo miser, qui nusquam bene quoq; quiescere?
Si domi sum, foris est animus : si foris sum, animus domi est.
Ita mihi in pectore atque in corde facit amor incendium.

Ethica.

I. (a) Cupido fingitur Puer, quia judicii expers: quo enim quis amantior, hoc plerumque est amentior: facillimèque decipitur, quisquis amat. Puer est, quia recens amor fervet maximè: & quia inter juvenes magis, quam senes. Sapienter Epictetus : Quid est amor? otiosi pectoris molestia: in puerō pudor: in virgine rubor: in femina furor: in juvene ardor: in sene risus. Præterea inter flores & Gratias, in Jovis hortis nutritus dicitur; quod delicatus amor rebus ac pulchritudine gaudet: vernanti tempore & ætate vigeat.

II. (b) Nudus est: tum quia amantes secreta quævis matuò produnt. Testis Samson, qui Dalilæ fatales crines indicavit: tum quia candidus & apertus esse debet amor: tum quia non opes, sed persona amanda: tum quia profusus est, & sàpè nudos facit: tum denique, quia nuditate acceditur.

III. (c) Cæcus est: quia mentem excæcat, ut amatae rei vitia non cernat amans; nec adverfat pericula & damna inde fluentia, ideoque in errores gravissimos impingat, veteri versu:

(a) Cupido cur puer? (b) Cur nudus? (c) Cur cæcus?

Amor,

Amor, quid cupiat, scit, quid sapiat, non scit.
Et: Quid deceat, non videt ullus amans.

Unde Alciatus in emblematis ipsum exhibet ab apibus appetitum, ad sinum Veneris configentem: quod voluptatem sequatur dolor, sum lacrymæ, gaudia luctus.

IV. (d) *Alatus* est: nihil amore volucris, nihil levius; & mutabilius: cras oderit, quem amat hodie: quem manè deperibat, aversabitur vespere: quid dico, vespere? Citius hoc fecit Amnon, Davide genitus: odio quippe furens, cubiculō expulit, quam amore ardens paulo antè pellegerat. 2. Reg. 13. Vel etiam, quod amor amanti (uti timor) alas addat, expedito ad omnia.

V. (e) *Arcum* habet & *sagittas*, quia ferit eminus. Faces quoque gerit; nam ardore præsentes accedit, absentes desiderio vulnerat. Exemplum Dido, Carthaginis regina, cui Cupido occultum inspiravit ignem, fefellitque veneno. Primus aditus per oculos:

Expleri mentem nequit, ardescitque tuendo.

Post oculos, in pectus, hinc in gremium illabitur. De hoc Poëta.

*Reginam petit. hæc oculis, hæc pectori toto
Hæret, & interdum gremio fovet inscia Dido,
Insidet quantus miseræ deus.*

Utique miseræ. Nam quid sequitur?

*Est mollis flamma medullas
Interea, & tacitum vivit sub pectori vulnus.
Uritur infelix Dido, totaque vagatur
Urbe furens: qualis conjecta cerva sagittâ,
Quam procùl incautam nemora inter Cressia fixit
Pastor agens telis, liquitque volatile ferrum
Nescius. Illa fugâ silvas, saltusque peragrat
Dictæos: hæret lateri lethalis arundo.*

Nimirum obstandum principiis. In hac mora, si uspiam alibi, summum est periculum.

*Qui blandiendo dulce nutrit malum,
Serò recusat ferre, quod subiugum.* Senec. in Hippolyto.

VI. (f) Alciatus in Emblem. proponit Cupidinem permutantem cum morte tela: quæ dum uno in hospitio fortè commorantes, temerè de nocte sumerent, & Mors aurea Cupidinis spicula, hic Mortis ossea corriperet:

(d) *Cur alatum?* (e) *Cur sagittarius?* (f) *Cupidinis & Mortis spicula innata.*